

# Updet

Letes nius blong VANWODS

Vol.2 Oktoba 2015



VANWODS hemi finansiol sevis provaeda mo komuniti fren blong yu. Blong kam wan lida long komuniti we ol man i respectem blong save kasem finansiol help mo bisnis development sevis, blong laef long digniti mo sekuriti.



## VANWODS i putum aot websaet

Niufala VANWODS Mikrofinans websaet hemi go laef long Oktoba 2015. Websaet ia hemi givim wan kwik mo isi akses long olgeta infomasyon abaot VANWODS mo nius blong ol ofis blong hem raon long Vanuatu. Websaet ia hemi soem wok had blong orkanaesesen ia blong mekem wan gud qualiti mo i isi blong memba blong publik i save kasem infomasyon. Websaet hemi, gat kala desaan mo hemi separate long tri seksen: Hu ia mifala, Wok blong mifala, Ol prokres blong wok.

Websaet ia hemi givim olgeta infomasyon long: Lon mo seving seves, nius long ol branj, Trening mo plante moa. Websaet ia hemi isi blong usum from hemi save givim ol nara sos blong infomasyon we yu nidim. Ol nara niu samting insaed hemi, Video mo ol nara gallery, akses long Google map mo niusleta we yu save downloadem: Folem link ia. ([www.vanwods.org.vu](http://www.vanwods.org.vu))



## VANWODS Hand Fan

Original fan blong VANWODS hemi on sale! Blong selebretem launching blong websaet, VANWODS hemi produseman wan spesel hand fan we wan Japanes kompani nao hemi printim blong fes taem we bai hemi on sale long Vanuatu. Tugeta side oli printim toktok blong VANWODS long hem mo long kala. Hemi strong from bone blong hemi hemi plastic hemi save stap longtaem. Hemi wan gudfala hand fan we yu save gat. Praes blong hemi hemi 200vt nomo long wan. Blong kasem wan fan blong yu, go pem long wan VANWODS ofis kolosal long yu tedei!

## Presentasen long Oxfam

Long 26 Okis 2015, VANWODS hemi kasem wan invitasi long Oxfam Projek Manaja Dr. Rebecca Bongiri, blong givim wan awenes presentasi long wan grup blong ol yangfala kel wetem sapot blong Oxfam Vanua Malagwelo Projek. VANWODS Operesen Maneja Mrs. Elizabeth B Iauko, Prokram produsa/JICA Voluntia, Mr. Teruaki Tagashira, oli representatem VANWODS blong mekem spesel presentasi abaot ol seves blong VANWODS we hemi gat blong ol kel. Strong thinking blong mekem presentasi ia blong talem impotance blong joinem VANWODS blong ol yangfala, spesel blong ol yang woman. Mrs. Iauko mo Mr. Tagashira tufala i presentem wan video blong wan saksas stori blong Mrs. Brenda blong Etao senta.



## Repot blong Branj - VILA Branj

Mrs. Vatoko Emma, SFAO blong Vila Branj hemi repotem se long 14th Okis 2015, VANWODS long Vila Branj, ol staff i bin attendem wan trening blong kastoma seves we Ms. Julia Mangelsdorf, wan voluntia blong Australia hemi ranem. Hemi wan niufala eria we ol staff oli lanem, oli praktisim wanem oli lanem." Ol kastoma oli fes prioritim blong yumi" CEO, Mrs. Julie-Ann Sala, hemi mekem i kliia mo talem impotens blong trening ia, from operasi blong VANWODS hemi everi wik oli visitim ol komuniti blong urban mo rural pat blong Vila. Everi staff oli apresietem trening ia from oli komitim olgeta blong provaedem wan hae standet blong kastoma seves. Semak trening ia bai hemi go long olgeta nara branj blong VANWODS long fiuja. (+678-26829 [vila@vanwods.org.vu](mailto:vila@vanwods.org.vu))

### - SANTO Branj

Lifan saksas stori:

Lifan hemi gat plante skil, talen mo hemi usum blong mekem saksasful bisnis blong hem long eria blong Pepsi long Santo. Hemi joinem VANWODS long Okis 2013 mo naoia hemi manajem 5 bisnis, wetem man blong hem mo olgeta memba blong famili. Olgeta bisnis blong hem i gat: Wasem trak, kakai long stol, fitim faol, karen mo farm. Plan blong hem long fiuja hemi blong improvem bisnis blong kuk mo bai hemi mekem wan fuel stasen mo salem ol samting blong wasem trak. Lifan hemi talem long Rehab Thu, ofisa blong VANWODS, se long fiuja hemi plan blong kontinu olsem wan lokal bisnis woman blong Lugainville blong provaedem wan gud seves.

Ex Unelco Ofis, Lugainville  
+678-36035 [santo@vanwods.org.vu](mailto:santo@vanwods.org.vu)

### - TANNA Branj

SFAO blong Tanna, Mereani Tamata, hemi confirm long wik ia se i gat wan mo senta hemi open long Saot blong Tanna long 11th Septemba 2015, wetem sapot blong Josette Meltelili, VANWODS ofisa. Tanna branj hemi stap grow slo afta long damage blong harikan long Maj 2015. Numba blong ol memba i stap semak, be i still gat plante memba blong publik oli stap interest blong join long orkanaesesen ia. VANWODS hemi stap wok naoia wetem Ministri blong Akrikalja blong help givim aot toktok blong hao blong planem karen afta long harikan. Kaen koperesen ia wetem VANWODS hemi soem wan strongfala stampa blong wok tuketa.

Black Man town, Lenakel  
+678-88000 [tanna@vanwods.org.vu](mailto:tanna@vanwods.org.vu)

### - MALEKULA Branj

VANWODS Mikrofinans hemi kasem wan invitesen long sam yia i pas blong provaedem seves i go long Akahamb Island mo hemi statem operasi blong hem long 3rd Septemba 2015. Ol jif blong vilage ia oli talem aot se oli glad tumas hemia taem oli givim toktok blong welkam mo oli praot blong welkam VANWODS long island blong olgeta blong save provaedem finansol seves ia i go long komuniti. Hemi hope se VANWODS bai hemi helpem mo buildim up wanwan man blong save kasem wan gudfala standat blong laef, semak long ol nara man we oli save kat akses long ol nara seves. Ol main samting we oli stap kasem mani long hemi kava, fish, mat mo kopra.

Lakatoro  
+678-48453 [malekula@vanwods.org.vu](mailto:malekula@vanwods.org.vu)

### VANWODS 4 stampa prinsipol

VANWODS Mikrofinans ki prinsipol hemi wan rod blong olgeta valuable kastoma blong hem. Hemi blong lanem olgeta gudfala fasin blong trastem yu wan, mo kam wan gudfala maneja blong bisnis mo wan gudfala lida insaed long komuniti.

Ol stampa prinsipol ia:

1. Kirap mo wok
2. Wok tugeta
3. Sevem smol oltaem
4. Trastem yu wan

Fo stampa prinsipol ia i wok tugeta wetem VANWODS misen mo gol.